



• EDITORIAL • RÂL VÊNGTU • CHHÛNGKAW CHANCHIN

- » SEC Vawi 272-na thurêl ðhenkhat
- » Synod Hospital Chapel thar hawn a ni
- » Serampore Council member ruat thar

RNI 68092/83 Regn. No. N.E. 1024
From
 Synod Literature & Publication Board
 Synod Office, Aizawl - 796 001
 Mizoram. Phone: 0389-2324590

SYNOD *Newsletter*

Volume XXXIII

No. 415

E-mail: synodnews@gmail.com

MARCH, 2018

LÂWRKHAWM

INKHAWMPUI HMANPUI

Synod Inkhâwmpuiin a lo ruahman angin February leh March (2018) chhûng hian Mizoram Synod-in a palaipui ðhin kohhran/Synod hrang hrang pakuaah Synod aiawha palai tûra ruatten inkhâwmpui an hmanpui.

SYNOD BOOKROOM BRANCH VAIVAKÂWNAH

Prescom Board-in a lo remtih tawh angin Vaivakawn Kohhran Gospel Centenary Hall hnuai kawngpui ân chu Synod Bookroom Branch thar hawnna tûra buatsaih mêk a ni a, thla leh, April thla chhûng hian hawn hman ngei beisei a ni.

B.MISS. ZIR TÛR LÂK THAR A NI

Missionary Training College-a Bachelor of Missiology (B.Miss) zir tûr mi 16 lak thar an ni leh ta. An zînga pakhat hi Ramthar rawngbâwlina hmuna mi, special category chhûnga lâk a ni. June, 2018 aţangin an zir ðan ang.

POLITICAL EDUCATION SEMINAR

Synod Social Front chuan March 23, 2018 hian Champhai Vêngthlang Kohhran Biak Inah Champhai district huapin Political Education Seminar a buatsaih dâwn a, he district chhûnga kohhran tin aiawh leh Pastor leh Pro Pastor te bâkah Synod Social Front Committee-a awm mêk te tel tûra beisei leh sâwm an ni.

CONFERENCE KAL TAM TOP 3

Hriat theih china KÏP General Conference kal tam ber chu Tv. KSR Biakdika, Chhingchhîp Vênglai a ni a, kumin kha a vawi 31 kalna. A dawttu Tv Zoramthanga, Champhai Kanan chu vawi 26 a kal a, palai hriat hlawh tak Pu Ngokâma, Sesih chu vawi 25 a kal tawh bawh.

KÏP GENERAL CONFERENCE VAWI 57-NA WEST PHAILÊNGAH

- * Hming ziahnaa chhinchhiah chin: Riak lût 21,456; lehlânga kal 5,804
- * Kum 2018–2019 KÏP Kum Puan Thupui: *'Kristian Nun – Takna'*

Mizorama ðhalai rual intawh khâwmna lian ber Kristian ðhalai Pâwl General Conference (Vawi 57-na) chu March 1–4, 2018 chhûng khân West Phailêng GSA Playground-ah hman a ni a, palai ziahna hmun hrang hranga mi an han lâk khâwm chuan riak lût 21,456 awmin, lehlânga kal 5,804 an awm a, lirthei chi hrang hrang an ken chu 2,320 vel a ni. Mizoram chhûng leh pâwn KÏP Branch leh Bial aţanga palai kal bâkah hian inpalai tawnpui ðhin kohhran/pâwlten hetiang hian palai an rawn tîr thei bawh – Presbyterian Church in Taiwan (PCT) - 4, South Asian Christian Youth Network (SACYN) -1, Presbyterian Youth Joint Conference (PYJC, Phai Synod, Myanmar) - 2, Evangelical Church of Maraland KÏP - 2, Mizoram ðhalai Kristian Pâwl (Baptist Church of Mizoram) - 2, Lairam Isua Krista Baptist Kohhran ðhalai Pâwl 2, NEICCYA - 2, Kristian Khanglai Pâwl (Manipur Area) 2.

Conference Thupui thlan, “**Isua Chhinchhiahna Put**” (Gal 6:17) chu Rev. Vânlalzuatan a sawi a, ani bâkah hian Synod Moderator Rev. F. Lalrinnunga, Sr. Executive Secretary Rev. Lalramliana Pachuau leh CKÏP Leader Rev. Zothansânga ten vawi khat ðheuh Pathian thuchah an sawi bawh. Thu sawi a ða a, palaiten an sawi zui nasa a, Conference kal manhla tak nia ngai an ðahnem hle.

Inkhâwm apiangin Zaipâwl paruk vêl an zai ber a, Bial Zaipâwl an ni hlawm bawh a, khawpui leh thingtlâng lam pawh an thiam êm êm vek mai. Variety Programme leh Fellowship lama item neite pawh an inbuatsaih

ðha hle tih a hriat a, an chanvo an hneh êm êm vek a ni. Conference hla chuam (Theme Song) chu kut ke chêt dân bîk tûra duan nê sak ðhin a ni a, hla tharlâm deuh dang, ðhalaiten an tuipui a awm nual bawh a, an zai tuiin lâmtuala lâm chhuak pawh an ðahnem ðhin hle.

March ni 3-ah khân Chhim Vêng Kohhran Biak Inah Conference rorêl a ni a, rorêl palai kal hi 1042 an ni a. An thu rêl tlângpui chu hetiang hi a ni–

1. Youth Recreation puala budget-a dah mêk chu dah chhonzawm tûra rêl a ni. Member tin thawh dân tûr (1) Aizâwl khawpui mite – ₹50, (2) District Capital-a mite – ₹30, (3) A dang



Phek 2-naah chhonzawm...

SYNOD Newsletter

EDITORIAL STAFF

Rev. Dr. C. Chawngmingliana

Rev. PC Pachhûnga

Upa H. Ronghâka

Rev. R. Laldinthara

Editorial

THIHNA LEH THAWHLEHNA

Lal Isua hian ‘kei hi thihna leh thawhleha chu ka ni’ ti lovin, ‘kei hi thawhleha leh nunna chu ka ni’ a ti mauh mai a. Isuan ‘thawhleha leh nunna chu ka ni’ a tih hian thi thei lo tûra ngaihna lian tak neih a awl hle. ‘Thawhleha leh nunna chu ka ni’ a tih avânga nung reng tûr leh thihna pawh tem ve hauh lo tûra ngaih ngawt tûr chu a ni lo.

Boxing champion ni tûrin *boxing ring*-a luh a ngai a. *World Cup*-a champion ni tûrin khelmual luh a ngai tlat bawk. Khelmual-a lût lovin *champion* mai theih a ni lo. **Chutiang bawk chuan thihna hneha tho leh tûr chuan thih ve pawt a ngai.** Mi thenkhat chuan Isua thih thu leh thawhleha leh nunna a nih thu hi inkalh tlatin an hria a, an hre thelh deuh chu a ni. Thihna hneh tûrin a thih ve pawt a ngai a. **Thihnain a chelh hlen thei lo va, a lo thawhleha chiah khân thihna a hnehzia a rawn târ lang ta a ni.** Thihna khân thlân thimah khân chelh hlenin rawn tho leh lo ta se chuan thihna a hneh lo tihna a ni dâwn a. Mahse, a thawh leh miau avângin thihna chu a hneh ta a ni. Chu vâng chuan thawhleha chu ringtute tân chuan a pawimawh ni mai lovin khawvêla lunglu tha ber ai pawhin a hlu fê zâwk a ni.

Ringtute hi Krista thihna leh thawhleha tawmpuitute kan ni a. Kan vânei tak zet a ni. Krista thihna leh thawhleha tawmpuitute chuan Krista hausakna an tawmpui nghâl bawk. Liandovan thi leh dâr tam tak a nei a, sial tam tak a nei bawk a. Mi rethei bakber tak thîn kha an khaw pa Hausa a lo ni ta. Liandova hausakna tawmpui tak tak tûr chuan Liandova chu pasala neih a ngai. Liandova a neih hnu chuan Liandova ro zawng zawng chu Tuaichawngi ta pawh a lo ni ve ta. Krista neitu apiangte chuan thihna hneha tho leh ta Krista hausakna chu an tawmpui thîn a ni.

Phêk 1-na zawm...

zawng ₹20.

2. Ram pum huapin KṚP Inkhâwm vawi khat thawhlâwm chu Youth Recreation Centre puala lâk khâwm tûra tih a ni.

3. Youth Recreation Centre project kalpui mêk chu tûn aia zângkhai leh chhawr hma theih a nih nân tihdanglam remtih a ni.

4. Synod Hospital Charity Fund atân KṚP Inkhâwm vawi khat thawhlâwm lâk khâwm remtih a ni.

5. Kum 2018 chhûngin MLA General Election pual, sual thupha chawi, ruihhlo ngâite leh member hlate pualin ram pum huapa tawngtai rual hun hman tûra rêl a ni.

6. Kum 2018-2019 KṚP Kum Puan Thupui atân ‘**Kristian Nun – Takna**’ thlan a ni.

7. Kum 2018-2019 Central KṚP Budget atân ₹16,08,000 pawm a ni.

Kum 2018-2019 chhûnga KṚP, Central Committee (OB leh Committee member) tûrin hêng mite hi thlan an ni:-

Leader : Rev. Dr. K. Lallâwmzuala, ATC (Synod ruat)

Asst. Leader : Upa Rosângliana, Electric Vêng Bial

Gen. Secretary: Pu Rochungnunga, Synod Office (Synod ruat)

Asst. Secretary : T. Upa Ricky Lalrammawia Râlte, Bâwngkâwn Bethel Bial

Treasurer : Pu Lalmuanawma, Kulikâwn Bial

Fin. Secretary : Dr. Lalrotluanga, Zonuan Bial

Committee Member-te

1. Pu Lalruatfela, Bâwngkâwn Bial

2. T. Upa Lalsiammawia Pachuau, Bethlehem Vênglai Bial

3. Pu David Lalhmachhuana, Châltlâng Bial

4. Pu K. Lalêngzâma, Chanmari Bial

5. Pu P.C. Lalrinsânga, Dâwrpui Bial

6. Pu R. Lalbiakmawia, Dâwrpui Vêngthar Bial

7. Upa K. Lalnuntluanga, Hlimen Bial

8. T. Upa Lalrinmawia Râlte, Khatla Bial

9. Pu Lalrinchhana Râlte, Mission Vêng Bial

10. Pu Malsâwmtluanga, Mission Vêngthlang Bial

11. Tv. K. Lalchhanhima, Ramhlun N Bial

12. Pu Rorêlkima, Ramhlun Bial

13. Tv. Robert Lalduhzuala, Ramthar Vêng Bial

14. Tv. C. Malsâwmtluanga, Republic Vêng Bial

15. Tv. Benjamin Lalnunpuia, Vaivakâwn Bial

16. Dr. David C. Vânlalfakawma, Zemabâwk Bial

17. Upa Lalmuanpuia, Asst. Coordinator, Synod Office

Conference thlengtu West Phailêng khua hi kohhran pâwl hrang pawh sawi lovin an tâng rual tha hle a, Organising Committee siamin chumi hnuaiah chuan Sub-Committee 15 an siam leh a. Sub-Committee hrang hrangin an sum mamawh tûr an ruahman chu cheng nuai 70 a ni. KṚP General Secretary kal chuak Upa Zonunmawia chuan, “West Phailêngin KṚP General Conference an thleng hian thil pawimawh tak hnutchhiah a nei a, anni ang tiat vêl khua chuan thlen an zuam phah sawt a rinawm a ni,” a ti. Rev. B. Sângthanga, Executive Secretary i/c KṚP pawhin, “Kan huphurhpuia em avângin kan tawngtaipui nasa a, a tlawh pawh kan tlawh deuh sek a, ...pandal an han sa, a’n chim leh bawk nêr rilru a hah hle... a tâwpah chuan harsatna an tawh rêng rêng kha ‘Pathianin lâwm nân a siam ta zâwk a’ tih vek tûr niin a lang,” tiin ropui a tih thu a sawi.

A thlengtu hian CKṚP, leh Bial/Branch, etc atângin tawmpuina ₹13,71,000 an dawng a, tha, sum leh bungruaa puitu zawng zawng te, an mamawh tam tak tihsaktu sawrkâr chungah te, TV lama live-a tihchhuahsaktu Synfo, LPS leh Zonet chungah Organising Committee-in thilung takin lâwmthu an sawi a ni.

Report lama a lan dân chuan kum 2017 khân KṚP Branch 860-ah member 1,47,665 an awm a, mipa 92,220, hmeichhia 55,445 an ni. Thawhtanni zân KṚP inkhâwmah member 23.35% inkhâwm thîn ang an ni a; innei 3542 zînga 1484 (42.21%) chu Biak Ina innei an ni. KṚP member thi 469-ah mipa 405, hmeichhia 64 an ni. Bial hminga chanchinbu chhuah thei 48 awmin Branch hminga chanchinbu chhuah thei 431 an awm.

PATHIAN THU ZIR DUH TÂN

Presbyterian Bible School, Mission Vêng, Aizâwlah C.Th (Certificate in Theology) zir tûr lâk a ni leh dâwn a, dîl duh chuan hêng hi hriat tûr a ni e:

1. Admission Form hi Office-ah Rs. 10.00 (Chêng sâwm)-a lei tûr a ni a, April 17, 2018 (Zirtâwpni) tlai dâr 3:00 thleng PBS Office-ah theh luh theih a ni. Dîltu chu Class VII Pass/Middle School exam pass, kum 16 aia naupang lo, Kohhran dân chhûnga awm a ni tûr a ni.

2. April 30, 2018 (Thawhtanni) zîng dâr 10:00-ah interview neih tûr a ni a, May 7, 2018 (Thawhtanni)-ah Class tâng a ni ang.

3. Zir hun chhûng thla li i.e. May-August, 2018 a ni a, hre chiang duh tân Phone 2317343/2325082/9436198231-ah zawh fiah theih a ni. Hostel a awm lo.

Sd/- Rev. Lalneihvûra
Principal, Presbyterian Bible School

Râl Vêngtu

Râl Vêngtu chu a lo ̄thu ngui lap a.

Mite chuan “Râl Vêngtu, i va hlim loh hmêl ve, eng thil nge thleng ta le?” an ti a. Râl Vêngtu chuan, “Kohhran chu Krista taksa kan ni a. Taksa pakhatat pêng hrang tam tak a awm ang hian Kohhranah pawh hian pêng tam tak kan awm a. Taksa pêng pakhat chauh pawhin natna emaw harsatna a tawh chuan taksa pum puin a tuar ̄thin ang hian Kohhran mite zinga thil duhawm lo a lo thlen hian ka râlvenbûk ātang hian ka lo tuar ve tlat ̄thin alâwm le” a ti a.

Mite chuan, “Chutianga nanga nun meuh tinuam lotu chu eng thil nge ni ta?” an ti a. Râl Vêngtu chuan, “A tam mai a, sawi vek sên pawh a ni nâng,” a ti a. Mite chuan, “Râl Vêngtu, a p̄awng zual tal han sawi la maw le. Fuihna thute pawh han sawi tel nghâl baw la,” an ti a.

Râl Vêngtu chuan, “Chin tâwk in nei lo lutuk hian ka rilru in tina khawp mai. Harhna in chan lahin kohhran in pumkhatna tichhe rawih khawpa chang sâng nih tum in tam a. In harh loh vêk vêk lahin Pathian thinurna tawngbaw khawpin in inthlahdah leh si. In hnam Kût in hman lahin chin tâwk in nei baw si lo. In pi leh pu te khân chin tâwk an nei a, Kût pui pawh an hmang thiam khawp mai. Zû pui nen an hman pawhin an buai ve nuai nuai ngai lo, hlim takin an hmang mai a ni. Kristian in lo nih hnu hian in hmang thiam lo tulh tulh lehngâl. In Kût pui te hi zû leh ruih theih thil tel lo pawh hian hlim takin a hman theih asin. Zu pui nêna châi kher kher in tum a, in zo leh si lo. ‘Inphêksual’ te kha a ropui lo teh asin. ‘Naupang ka hruai e’ in ti a, in naupang hruaite in ngaihsak zui leh si lo. ̄Thenkhat phei chu nu leh pa hruai lohvin naupang tê tê an ̄thiante nênsâwm khâwmin an kal a, an va rui thle mai mai a nih kha. Chuti chung chuan tui takin in la mu thei êm a maw?”

“Social media te hi a hman dân in hria a; mahse, in hmang thiam si lo. Thu ̄tûl lo tak tak in post vak vak a. Committee thu te pawh rorêl zawh hma hmain in theh darh chuai chuai baw a. Kohhran thil social media lama in pu darh nasa lutuk te hi a ̄tha hauh lo a nia. A! Sawi tûr a tam lutuk sawi sên a ni lo, tûn atân chuan duh tâwk leh phawt mai ang,” a ti a. A vei zualpui a sawi zawh chuan Râl Vêngtu pawh chu a harh deuh huai a, a lâwmthu te pawh a sawi nual a. Mite pawh chuan, “Râl Vêngtu, keini pawh kan lâwm e, kan puan ven kan lo sawi chhîng dawn nia” tiin an hawsan leh ta rih a.

SYNOD HOSPITAL, DURTLÂNG JANUARY, 2018 CHHÛNGA THILPÊK DAWNTE

I. CHARITY FUND

1. Pu Rokhûma, Upper Republic	Rs 10,000/-
2. Pi Rozâmthangi, ITI Vêng, Aizâwl	Rs 3,000/-
3. College of Agriculture, Central Agricultural Unuversity, Imphal	Rs 1,000/-
4. Pu Lalrinênga Sailo, Durtlâng North	Rs 4,000/-
5. Pu R. Pârtira te chhûngkua, Mission Vêngthlang	Rs 20,000/-
6. Davida leh a ̄thiante, Zârkawt	Rs 20,000/-
7. MD&D, Khatla	Rs 3,000/-
8. Sângpuii & Sângtei, Dokhûma Building, Leitan	Rs 1,000/-
9. Synod Hospital Staff	Rs 81,200/-
10. Tumpui Kohhran Pavalai Pâwl, Kolasib	Rs 2,000/-
11. Pu Rosâwmliana Vârtê, Leitan	Rs 1,000/-
12. Pu Laldanglova, Durtlâng Mêl - 5	Rs 1,000/-
13. Pu Lalramena Râltê, Durtlâng Kâwn Vêng	Rs 1,000/-
14. T & T Medi Centre, C/o Dr. Lalrinliana Vârtê	Rs 4,000/-
15. Pi Rochhûngi, Ramthar Tlângvêng, Aizâwl	Rs 10,000/-
16. Chanmari Bial K̄TP, Aizâwl	Rs 30,000/-
17. Pu Vunga Dâwr, Model Vêng, Aizâwl	Rs 1,500/-
18. Champhai Vêngthlang North Kohhran	Rs 13,000/-
19. Pu Lalchhuana & family, Ramhlun North	Rs 10,000/-
20. Tuidam Bial Kohhran Hmeichhia	Rs 5,000/-
21. Vângtlâng Kohhran	Rs 5,000/-
22. Pu Zodingliana, Zârkawt	Rs 3,500/-
23. Zothanpâri Sailo, S/N, Synod Hospital	Rs 3,500/-
24. Pu Lalsânglûra Durtlâng Mêl - 5	Rs 2,000/-
25. Sêrchhîp Bazâr Vêng Kohhran Pavalai Pâwl	Rs 1,000/-
26. Dâpchhuah Kohhran Hmeichhia	Rs 3,000/-
27. Mualphêng Bial Kohhran Hmeichhia	Rs 5,000/-
28. Pu Saikûngpuaia & family, Bethlehem Vêngthlang, Aizâwl	Rs 5,000/-
29. Zodinliana, Mission Vêng Bazar	Rs 1,300/-
30. Lungdai Kohhran	Rs 2,000/-
31. Phuabuang Bial K̄TP	Rs 5,000/-
32. Pi Zaneih, Bâwngkâwn, Aizâwl	Rs 2,000/-
33. Champhai Kahrawt Kohhran	Rs 15,485/-
34. East Lungdâr Vêngthar Kohhran	Rs 4,450/-
35. Pi C. Lalrinmawii, O/A, Synod Hospital	Rs 2,700/-
36. K̄TP, Keītum Bial	Rs 5,000/-
37. Pêrsâng Kohhran, Tuipuibari Bial	Rs. 1,000/-

II. THISEN PETE

1. SCMI, Aizawl Theological College	28 Units
2. K̄TP, Durtlâng Branch	28 Units
3. K̄TP, Saikhamakâwn Branch	26 Units
4. K̄TP, Chanmari Branch	47 Units
5. Dawrpui Vêngthar Kohhran	30 Units

PEK ZÂT

III. GRACE HOME TÂN

1. Leitan Kohhran, Durtlâng	Krismas leh Kumthar lawmna ruai an pe
2. NE Khawdungsei Vêngthlun Koh Hmeichhia	Rs. 1,500/-
3. Tuikual Bial Kohhran Hmeichhia	Rs. 10,000/-
4. Chhînga Vêng East Kohhran Hmeichhia	Dam lo tân Lukham 20
5. Mizo Students, College of Agriculture, Imphal	Rs. 1,000/-
6. Chhînga Vêng Kohhran Hmeichhia	Rs. 10,000/-
7. Pu R.K Vânlalzêla, Zêmbâwk	Dam lo ei tûr Arsa

IV. THIL DANG PETE

1. Luangmual Kohhran, Aizâwl	Chapel ̄thutthlêng leina tûr Rs. 50,000/-
2. Becky & Sângteii, Aizâwl Bazar	Alu bag khat
3. Sêrchhîp Bial Kohhran Hmeichhia	Rs. 1,000/-
4. Khawhâi Kohhran	Rs. 1,080/-
5. MULCO, ̄Thuampui, Aizâwl	Bâwngnhute 200 packs
6. Pu Vânlalhuma, Chaltlâng, Aizâwl	Pi Puii In Nursing Station tân Plastic Chair 3

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Heng in thilpêk kan dawnte hian dam lo awm man harsate thlamuang takin a awmtîr a, Hospital mamawh tam tak min phuhrûksak baw a ni.

Sd/-

(REV. R. RAMDINMAWIA)
Chaplain, Synod Hospital, Durtlâng.

HNA RUAK DIL THEIH

Mizoram Presbyterian Kohhran hnuaiah hêng hnate hi a ruak a, Sl no 1 - 5 te hi kum 18-35 inkâr, ni 24.4.2018-a kum 18 pumhlûm tawh, kum 35 la pumhlûm lo tân dîl theih a ni. Sl No 6 Doctor Specialist erawh hi chu kum 18-40 inkâr, ni 24.4.2018-a kum 18 pumhlûm tawh, kum 40 la pumhlûm lo tân dîl theih a ni. Hna dîlna Form hi Dt. 16.3.2018 ātangin Synod Office-ah lâk chhuah theih a ni ang a, Form-ah hian hriat tûr pawimawh tihlan a ni ang.

- | | |
|--|--|
| 1. Assistant Editor, (Contract) SLPB - post pakhat
Thiamna : Graduate of any recognised University.
Hlawh : Synod Contract Pay | 5. Audiologist - Regular post pakhat
Thiamna : Bachelor of Audiology and Speech Language Pathology (BASLP) from recognised Institution.
Pay : PB-3 : 11000-27500+4800 |
| 2. PRESCOM Assistant III (Contract) - post pahnih
Thiamna : HSLC of any recognised Board.
Hlawh : Synod Contract Pay | 6. Doctor Specialist (Obs & Gynae) - Regular post pakhat
Thiamna : Post Graduate Degree holder or Post Graduate Diploma from recognised University.
Pay : PB-4 : 15000-38500+6800 |
| 3. Peon (Contract), P.C. Girls' School atan - post pakhat
Thiamna : CI VIII Certificate Holder.
Hlawh : Synod Contract Pay | Dil theih hun chhûng : Dt. 11.4.2018 (Nilaini)
Screening test/exam : Dt. 13.4.2018 (Zirtâwpmi)
Interview : Dt. 24.4.2018 (Thawhlehni), 10:00 am |
| 4. Mathematics Lecturer (Contract) Synod Higher Secondary School - post pakhat
Thiamna : M.Sc. (Maths) atleast 2 nd Class from any recognised University with B. Ed.
Hlawh : Govt. Contract Lecturer pay | Sd/-
Rev. Lalramliana Pachuau
Secretary
Synod Service Board |



THANGLAILUNG KOHRAN

chuan ni 17-26 February, 2018 chhông khân Pu Lalsanglûra, Sons of God Team Speaker-a hmangin Camping chhâwng thum an nei a. Campers 271 lûtin, hmeichhia 152 leh mipa 119 an ni a, camper zawnzawngten siam thar lehna changin camp an chhuahsan thei a, an lâwm hle. Kohhran pâwl dang aţangin mi eng emaw zât an lût ve a, Kohhran hnaih ngailoten an hnaih thar a, chhandamna chang thar mi eng emaw zât an awm bawk.

LÊNG KOHRAN chuan ni 16-18 March, 2018 chhông hian Biak In thar hawn programme hman an tum a. He hun hmanpui tûr hian Lêng khaw chhuak zawnzawngte, Lêng Presbyterian Kohhrana lo lawi tawh zawnzawngte leh E.Lungdar Bial-a Pastor leh Pro Pastor lo ni tawh zawnzawngte an sâwm a ni.

SERAMPORE COUNCIL MEMBER RUAT THAR

Council of Serampore College (University) chuan Rev. Lalramliana Pachuau, Sr. Executive Secretary, Mizoram Synod chu Council member atân a rawn ruat thar. A ţan hun chhông (term) hi kum nga a ni.

Chapel hi damlo leh an chhôngte ţawng-ţai duh tân eng hun pawha hman theih tûrin kalh lova dah tum a ni a; Chaplain Office hi a mamawh apiangte counselling neihpua a ni nghâl bawk.

Chapel chhông bungruate pawh mi thahnemngaite thilpêk hmanga thuam a ni a, hetiang hian-

(1) Thutthleng hi Kohhran leh pâwlhoin an thawh khâwm aţanga siam a ni a. Chapel hluia mi chhawm a ni (Chapel tharah hian a lo thâwl ta deuh a, a thei leh remchâng chuan siam belh theih atân a ţa hle).

(2) Chhuat rawng mawi tak hnawih tûr, Terracotta paint chu Dr. John Malsâwma te chhôngin an thawh a ni.

(3) Pulpit, sacrament dawhkân leh lectern hi Upa F. Lalsângliana te chhôngin an thawh a ni.

SEC VAWI 272-NA THUREL THENKAT

* Prescom Gen. Manager, KṚP Leader leh KṚP Gen. Secretary thlan/ruat thar a ni.

* Kohhran Pavalai Pâwl Inkaihhraina en thar a ni

Ruahman lâwk angin Synod Executive Committee vawi 272-na chu February 21-23, 2017 chhông khân J.M. Lloyd Hall, Synod Office-ah an ţu a, Synod Inkhâwmpui thu bawh zuina lam a tam ber a, chuvângin a tam zâwk chu ruahmanna siamtu ruatin an ruahmante chu la thlir leh tûr a ni. Rêl fel nghâl thenkhat a awm a, chhôngte chu a hnuai mite hi a ni:

1. Prescom General Manager pension-a chhuak aiawh tûrin Pu Lalhruiatluanga Râltê (Synod Press Manager ţang lai) thlan a ni.
2. Kristian Thalai Pawl Leader ruat thar a lo hun leh tâk avângin hemi atân hian Rev. Dr. K. Lallâwmzuala, Associate Professor, Aizawl Theological College ruat a ni a. General Secretary (Office-a ţu tûr) atân Pu Rochungnunga, Synod Co-ordinator zînga mi ruat a ni bawk.
3. Synod Co-ordinator-te awmna hetiang hian siam rem a ni:-

Hming	Tûna awmna	Awmna tûr
Upa H. Lalhmingmawia	Social Front	Worship
Pu R. Lalnunluanga	Synfo	Social Front
Upa Zonunmawia	KṚP	Synfo

4. Pastor-te hâk thîn puithiam kawr (clerical shirt) rawng inang tlânga hman tûra Synod 2017-in a rêl chu bawh zuiin rawng chi hnih - a dum leh vutbuak (grey) hman tûra tih a ni.
5. Synod Pay Commission siam thar a ni a, member pasarih awmin Synod Moderator Rev. F. Lalrinnunga chu Chairman a ni a, Secretary atân Rev. P.C. Pachhûnga, Executive Secretary ruat a ni bawk.
6. Inneih Certificate leh Baptisma Certificate-ah pa hming chauh ni lovin nu hming pawh târ lan tel tûra sawrkâr lam inkaihhraina thar a awm avângin Synod Archives Sub-Committee chuan hêng Certificate-ahte hian nu hming ziah tel tûrin rawtna a thlen a, ţa tih a ni a, hman nghal tûra lo ruahman chu OM kutah dah a ni.
7. Family Guidance & Counselling Centre, Mamit Branch hawn tûra Synod 2017-in a ruahman chu Counsellor atâna dahin kuminah a zirlai a zir zawh hman dawn loh avângin kumin (2018) hi chu inbuatsaih nân hmangin, nakkum 2019 aţanga hawn theih tûra buatsaih remtih a ni.
8. SEC 264:82 thu anga Synod Archives Sub-Committee-in Synod Archives hman dân a en thar chu SEC-ah hian chhawp a ni a, pawm a ni.
9. Synod Administrative set up & Management en thatah Bible Râlchhân chu SMTC-a awm tûra tih a nih avângin Synod Service Board aţanga hemi lam kalpui dân tûr rawtna chu ngaihtuah a ni a. Lay Theological Education (LTE) Asst. Director tih thîn chu Programme Assistant i/c Bible Râlchhân tia thlâk a ni a. Lay Theological Education (LTE) chu ATC-a la awm zêl tûra tih a ni.
10. Synod Worship Committee-in kum 2020 Nilai leh Beihruat Thupui atân '**Kohhran leh zirtirna dik lo**' an rawt leh a ziak tûra Rev. Vânlalchhûnga, Tlângnuam an rawt chu pawm a ni.
11. Synod hranga ding tûra ruahman Manipur Area chuan an lo inzir lâwk nân Sunday School Committee, Trust Committee leh Finance Committee-te Manipur Area Committee hnuai siam an rawt chu remtih a ni a; a kalphung tûr pawh hman nghâl tûrin Manipur Area Committee-in lo siam se, tih a ni.
12. Kum 2017 Synod-in Kohhran Pavalai Pâwl Inkaihhraina en thar a remtih anga en thar tûra tih Revival Committee-in en thar na a thlen chu siam thar ngai siam thar a pawm a ni a, ram pum huapa Kohhran Pavalai Pâwl khaitu tûr chu Synod Revival Committee a ni.

SYNOD HOSPITAL CHAPEL THAR HAWN A NI

Pu Bualhrânga leh Pi Thanmawii te nupa Dâwrpui Vêng, Aizawl-a miten an inneih Golden Jubilee hruai thlengtu leh malsâwmna petu Pathian hnêna lâwmthu sawi nâna an pêk ₹57,74,000 hmanga sak, Synod Hospital Chapel chu ni 14.2.2018 khân Synod Moderator Rev. Lalrinnungan a hawng. He chapel hi thawktu te, damlo leh awmpuitute inkhâwmna tûr a ni a. Pathian leh kohhran tâna phal taka chapel sakna tûr petute chungah Synod Hospital Board a lâwm êm êm a ni.

He chapel hi a dung feet 86, a vâng feet 29 a ni a, dawhsân feet 14x29-a zau a awm a, mi 340 vêl leng tûr a ni. Chapel hnungah hian chaplain office-cum-vestry, feet 17x19-a zau a awm a, tualzâwl zâu zâwng hi feet 70x24 a ni. Innawrna kawng (ramp) feet 40-a sei, feet 6-a zau a awm bawk.

← Phêk veilamah zawm...